



Uunga siunnersuut: Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-meersoq.

(Aningaasaqarnermut Nunanilu Avannarlerni suleqatigiinnermut Naalakkersuisoq)

Siullermeerneqarnera

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xxx 2019-meersoq maanna oqaluuserisassanngortillugu saqqummiunneqartoq imatut naatsumik oqaaseqarfiggissavarput.

Inatsisartut inatsisaata allanngortinneqarnissaanik siunnersuut misissuataareerlugu takusinnaavarput teknikitaatigut aaqqiinerinnaasoq, tassalu kukkussutaasimasumut aaqqiissutaalluni.

Taamatut aaqqiineq Inatsisartut inatsisaani nr. 9 1. Juni 2017-meersumi procenti aaqqiissutissaq aamma maannakkorpiaq aningaasarsiat pillugit inatsisip kalaallisuuani qallunaatuani kukkussutaasimasup aaqqinneqarnissaanik aallaaveqartoq takusinnaavarput.

Inatsisip atuuttup ilaatigut § 6-ip kalaallisut aamma danskisut allassimanerat assigiissimangillat, danskisut allassimasumi inuup maannakkorpiaq aningaasarsiai 10 procentimik tassanngaluunniit annertunerusumik allannguuteqartussatut tunngusumut oqaasertaliussaaq kalaallisullu allanneqarsimasumi allaanerussutigalugu 5 procentimut inissinneqarsimalluni inatsimmilu allaqqalluni.

Tassa naatsumik oqaatigalugu danskisut allaqqasumi 10 procenti atorpeqassanersoq imaluunniit kalaallisut allaqqasumi 5 procenti atorpeqassanersoq nalornissutaalersimassaaq ilumut sorleq atorpeqassanersoq kalaallit nunatsinniikkaluarluta kalaallisut oqaatsitta pingaartinneqannginnerat malunnartarmat. Taamaattumik kalaallisut oqaatsit pisortatigoortuunerat tunngavigalugu kalaallisut allanneqarsimasooq atorpeqarnissaa naatsorsuutigaara.

Uanili pineqartumi kalaallisut allaqqasumi naapertuuttunngorlugu aaqqiisoqarpoq, tassalu 5 procenti naapertorlugu qallunaatut allanneqarsimasumi atorpeqartoq 10 procent kalaallisut allanneqarsimasooq naapertuuttunngortinneqarluni 5 procentimut.

Taamatut Inatsisartut inatsisaanik kukkuneqarsimasumik 2017-meersumik aaqqiineq annertunerusumik oqaaseqarfiginatigu Partii Naleqqamiit tusaatissatut tigullutigu akueraarput

Qujanaq.